

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Conradi Samvelis Schvzrfleischii Opera historica politica**

**Schurzfleisch, Konrad Samuel**

**Berolini, 1599 [i.e. 1699]**

LXI. Ex lisdem

**urn:nbn:de:bsz:31-102564**

## LXI. EX IISDEM.

**P**rima scribendi, componendique res Ecclesiasticas initia facta sunt a defensionibus et apologiis, quibus occasionem causamque dabant, vexationes et persecutiones Imperatorum, cultibus impiis idolorumque venerationi deditorum.

§. II. Inter hos primus fuit *QVADRATUS*, Apostolorum discipulus, ac deinde *ARISTIDES* Atheniensis, quos reliqui Patres agmine facto secuti sunt, quorum industriam accendit ambitio, et insolentia gentium Philosophorum.

§. III. Hos quidem omnes antevertit *CLEMENS* Romanus, sed eius libri, quibus Petri Apostoli *περίοδος* descripsit, omisi sint, ac dudum iniuria temporum perierunt. Similiter *PAPIAE* scripta fabulis plena interciderunt.

§. IV. Inter caeteros enituerunt *CLEMENS* Alexandrinus, et *IULIUS* Africanus, quorum exemplo incitatus est *SEculo IV. EUSEBIUS*, vir admodum diligens et eruditus, et quod caput rei est, in *Constantini Magni Imperatoris* tabulario versatissimus.

§. V. Caeterum inter Concilia Novi Foederis antiquissimum, et a primis Ecclesiae Doctoribus Apostolis institutum, habitumque est *Hierosolymis*, quod rationem regulamque conciliorum deinceps habendorum praebet.

§. VI. Nam de eo concilio, quod Apostoli in terrarum orbem discessuri habuerint, atque in eo Symbolum Apostolicum composuerint, nihil affirmat *Historia Divinior*, et diu post Apostolos conscriptum est, et primis a *N. C.* seculis est recentius, neque in veris Patrum scriptis, neque in antiquis conciliis et Synodis memoratur.

§. VII. Quo tempore ius suffragii erat omnibus, nec bresbyteri tantum, sed etiam *Diaconi* pari iure aderant, censabant, ac decernebant.

§. IIX. Neque tunc concilia unius arbitrato cogebantur, neque ullus inter Apostolos primatus erat, nec *Patriarchatus* nomen vel in sacro ordine sub id tempus audiebatur, multo minus a quoquam exercebatur.

§. IX. Sed ubi Imperatores Christianam doctrinam sunt amplexi, potestas indicendi concilia tantum ad eos spectat, et iure summi sacrorum imperii administratur.

§. X. At enimvero *Petrus* ratione potestatis et suffragii inter Apostolos nihil praecipuum habuit, ac propter solam aetatis praerogativam nullam obtinuit sacri ordinis *Monarchiam*.

§. XI. Ne-



§. XI. Neque vero domicilium Romae habuit, aut in urbe rerum domina Episcopatum gessit, neque etiam si gessisset, ideo primatum potestatis, multo minus sacrum imperium, aut Papatum fundavit.

§. XII. Fuit autem Petrus Babylone, et sine figura Babylonem memorat, et sine allegorico loquendi genere appellat.

§. XIII. Diversa Apostoli Iohannis ratio est, qui initium secundi seculi attingit, et parturientis Antichristi monstrum coelesti providentia afflatus praevidit, et ἀδελφοποιῶς Babylonem dixit, ac Romam denotavit.

§. XIV. Ex his sequitur, Papatus originem non esse iuris Divini, etsi in ea asserenda facile conveniunt Pontificii Doctores, sed de EXTENSIONE plerique inter se dissident, et regimen sedis Romanae mere monarchicum esse negant, quod iamdiu Ecclesiae Gallicae moliuntur.

§. XV. Igitur simplici et Apostolico aevo non convenit ambitiosa Primatus affectatio, et ἀρχιερέων nomen apud Ignatium non evincit splendorem Hierarchiae, sed suppositivum est, atque adeo hoc scriptoribus Apostolici aevi ignotum est, ut quoque vocabulo μοναρχίας abstineant, et tumorem styli pariter ac typhum seculi quam diligentissime vitent.

§. XVI. Quo indicio colligimus scriptorem Constitutionum Apostolicarum, quae Clementi tribuuntur, esse infra Apostolorum aevum, et a simplicitate priorum seculorum recedere, et characteri optimae, purissimaeque Ecclesiae non convenire.

## LXII. MEMORATA EX HIST. CIV. VARIA.

**R**omana quidem mysteria literis prodita, et Romanorum religione culta sunt, sed Eleusinia finibus Graeciae se continuerunt, et a Quiritium civitate, quae Claudius Imp. donare voluit, longissime abfuerunt. Gravis idem, ac Romanorum Graecorumque rituum peritus Orator Cicero, hoc ita confirmavit, ut nullus dubitandi locus sit, in libro II. de legibus.

§. II. Sed, ut quorundam opinio fert, dissidet a nobis augustae historiae scriptor Tranquillus, fide praestans, ac diligentia consignandi Imperatorum acta praeclarus, qui secus tradit, et auspicio Claudii recepta in urbem Eleusines sacra affirmat, in Claudio c. 25. Cum quo facile in gratiam redeamus, si verba historici de proposito atque consilio Claudii, qui Eleusinia admittere in urbem voluit, non de exitu effectuque rei destinatae accipiantur. Sacra Eleusina (Eleusinia) etiam transferre ex Attica Romam conatus est. Nullam haec, ne speciem